

Աւարտեցին Յոյնք զչինութիւն տաճարին, զտեղիս իւրեանց յարդարեցին փառաւոր և շքեզ որպէս և կամեցան, իսկ զայլոցն թողին թերի և անչուք: Եւ այսոքիկ են խափանեալ տեղիքն Հայոց, զորս ոչ կամեցան շինել: 3 սենեակ 'ի Վերնատունն և 'ի վերայ նոցա Պատրիարքարանն իւր պարագայւք՝ որ ձգէր 'ի Վերնատանէ մինչեւ յորմն եկեղեցւոյն Յունաց՝ որ անկանի 'ի վերայ Պատանատեղւոյն, և 'ի տեղի սենեկի Տեսչին արարին կրկնայարկ և զմի սենեակն խափանեցին, զսենեակն Եաղուպ աղային, և զմի սենեակ 'ի վերայ գերեզմանի Յովսէփայ յԱրեմաթացւոյն, և զայլ տեղիս զորոց ունիմք յիշել: Տեփեցին նաեւ զսուրբ Լուսաւորիչ եկեղեցին, թէ պէտ ջանացին Հայք արգելուլ զոյն՝ այլ չեղև հնար:

Եւ 'ի տօնի Վերացման Խաչի կատարեցին զհանգէս նաւակատեաց եւ օծին զեկեղեցիս իւրեանց. կախեցին զկանթեղս 'ի վերայ Գերեզմանին Քրիստոսի (1810. 'ի 14 Ապտեմբերի):

Եւ Դատաւորն ազգ արար Հայոց 'ի ձեռն Գալբալետին իւրոյ, և խոստացաւ տալ կախել զպատկերս և զկանթեղս նոցին, համաձայն զրոց առաջին Դատաւորին և Բագչիսին, և յանձն առին Հայք, և ետուն 3500 դահեկան, և նա աւաքեաց զգիրն և թոյլտուութեամբ Յունաց կախեցին 6 կանթեղ 'ի վերայ Գերեզմանին Քրիստոսի. և 'ի Հրեշտակի Վիմին՝ զոր Խաչէ կոչեն. 1 'ի վերայ դրան, և 1 'ի Պատանատեղն: Յոյնք արգելին գնել զպատկեր Լուսաւորչին 'ի վերայ դրան Գերեզմանին, և շինել խաչիալ և պատկեր յիւղարերից սեղանն՝ զոր չէին շինեալ, և կախել և կանթեղ 'ի շրջապատ որմն Գերեզմանին, և 1 'ի Պատանատեղին. և ասէին՝ հրովարտակն մեր եկեալ է, և ձերն եւս գրեալ 'ի նոյն միտ, 'ի հասանիլ նորին, որ ինչ գրեալն է՝ զայն թոյլ տամք, և զայլ ոչ ինչ. մուացարուք զառաջինն՝ աւելի ոչ պատկեր՝ ոչ կանթեղ՝ ոչ սեղան իւղարերից և ոչ պատարագ անդ այսուհետեւ: Եւ 'ի ծանուցանելն Հայոց զայսոսիկ առ Դատաւորն, յետս եկաց և նա թէ ընդդէմ հրամանի չկարեմ առնել ինչ, և եթէ կամիք՝ տաց Իլամ, և 'ի դալտեան հրամանին անթերի կատարեմ զոր խնդրէքդ: Ապա Դատաւորն գաղտադողի կատարէ